



UNIVERSITÄTS-
BIBLIOTHEK
PADERBORN

Das Märterbuch

Gierach, Erich

Berlin, 1928

89. (11. Nov.) Martin

[urn:nbn:de:hbz:466:1-66991](https://nbn-resolving.org/urn:nbn:de:hbz:466:1-66991)

- 22935 der wait umb in ser zehant;
 der was Cleintus genant.
 zü dem sprach Theodorus do:
 'Cleinte, pis fro!
 du scholt nicht lenger lazzen
 mich,
 22940 ich peit dein indem himelrich.'
 und do er daz gesprach,
 vil tewer er genn himel sach
 und sprach zü Got innerchleich:
 'Jesu Christe, ich lobe dich,
 22945 daz du mir geholfen hast
 daz ich der marter last
 mit deiner hilf hann uber-
 wunden.'
 zehant andenn stündenn
 was daz feuer von im gezogen
 22950 geleicher *weise* sam die pogen.
- darinne saz der sälden bër;
 nicht als er verprunnen wër,
 wann als ein gepëtes prot
 [211^{ra}] daucht er die lewt. damit dī
 not
 22955 hette nūn ende gar.
 Nūn cham Eusebia dar
 und des leichnams sy do gert,
 des sy do der richter gewert.
 die fürt denn leichnam do dann
 22960 und pegrüb den rainen man
 auf ir aigen alda,
 daz da hiez Eustancia.
 darnach sey des nicht verdroz,
 si machet im ein münster groz.
 22965 da manig sieche würt erlost.
 also chöm er uns zetrost.
 Amenn.

[211^{va}]

89. Von sand Martino episcopo.

- Uns sagt daz püch alsus,
 das der rain Martinus
 wer von dem castel Sabaria
 22970 gepornn, likkund in Pannonia,
 und wer gezogen da pey
 in Ytalia Tycini
 und wër vonn hocher art.
 seinen sin nach Got er chart.
 22975 sein vater het ritters nam;
 darnach er an die würde cham
 daz er tausent ritter wielt
- und die dem reich zü dinst ge-
 hielt,
 und wart tribunus genant:
 22980 da pey wart sein wörd erchant.
 Do Martinus in Gotte walt
 wart zehenn jar alt,
 do enphie er die heilichait
 des glauben — daz was lait
 22985 den frewnten und dem vater
 sin —
 und gie dapey her und hin

22936. clynicus, 22938. clenyte B.
 22943. zü Got fehlt B.
 22948. Sa B.
 22950. *weise* B, fehlt C.
 22952. Als er nicht B.
 22953. *d. i.* gebætez.
 22954. er fehlt B.
 22957. Und fehlt B.
 22958. do fehlt B.
 22959. Si B. leichnam do] leichnamen B.
 22960. ge vor pegrüb gestrichen C.

22965. sieche] sel B.
 89. B 222^{ra}—227^{ra}. Überschrift: V. dem
 miltē hr sand martein pischof B.
 22970. likken B: „liegend“
 22972. zu Pavia am Tessin.
 22973. auch von B.
 22974. er nach got B.
 22975. nam aus mann gebessert C.
 22978. behielt B.
 22981. walt C = balt B.
 22986. dapey] do B.

- da die chirchen warnn.
er begunde varnn
nach allem dem daz recht was.
22990 sein gepet er auch las
und was doch getauft nicht.
er het darczü güt zuversicht,
er was nür taugenn
gesaczt indenn glaubenn.
22995 Do er ann fünfczehen jar
cham,
[211^{vb}] daz raine chind mann do nam
und macht es zü ritter sa.
doch ymmer mer darna
trüg er sein riterschaft
23000 mit grozzer diemüt chraft.
wie er wër des güttes reich
und wer gevarn wol würdich-
leich,
daz liez er alles durch Got;
ungernn volgt er des reichs
gepot.
23005 er het nach Got gancze güette,
er was milt und diemüte.
er was getrew und gewër,
warhaft und erbër.
er was an tugenden nicht be-
trogen,
23010 er was envollen wol geczogenn,
an im was sorg und grozze
scham
und was gar gehorsam.
- vil sällig warnn vor Got sein
sit.
wie im wère jugent mit
23015 mit ganczer glanczhait,
doch phlag er rainichait
und stünd auf chewsch gar sein
müt;
daz die jugent ungerenn tüt.
sein hercz mit chewschait
23020 het er nür ann Got gelait.
was man im zü solde gab,
die selb reiche hab
die wart nach Got so verczert,
wann daz er sich chawm
ernert.
23025 er tet zü aller stünde
[212^{ra}] daz pest daz er chüende.
Als es zü ainer zeit ergie,
sein gesellschafft nicht enlie,
er müst mit in reitten dann
23030 indie stat Ambyann.
nün was die chelten also grozz,
daz manigen verdroz
daz er nicht vil gewandes het.
nün secht wo ein armer stet
23035 inder grozzen cheltenn da,
der schray vor frosste sa.
do Martinus sein not ersach,
zü dem swert was im gach,
damit er seinenn mantel spielt:
23040 ein tail er selb pehielt,

22989. dem *fehlt B.*

22993. nicht wann *B.*

23002. wern *C.*

23005.06 *fehlen B.*

23007. und] getrew *B.*

23009.10 *fehlen B.*

23011. grozze *fehlt B.*

23012. gar] da pei *B.*

23013. Er het vil saelige sit *B.*

23018. vngern nv d. j. *B.*

23019.20 *fehlen B.*

23021. Was aus Wann *gebessert C.*

23023. so *fehlt B.*

23028. in des nicht erlie *B.*

23030. Ambian *B, d. i. Ambiani, heute*

Amiens.

23031. chelte so *B.*

23033. gemandes *C.*

23034. armenn *C, armes B.*

23037. sein not] daz *B.*

Nach 23038 hat *B die V. V. 23053.54.*

23039. Zehant *B.*

daz ander gab er dem arm
man.
do daz die ritter sahen ann,
die hetten des nür iren spot.
doch indem himel sach er Got
23045 des andern nachtes inder wat,
und sprach zü den engeln
ander stat:
'Martinus ann diser frist,
der noch nicht getauft ist,
hat mich gechlait in dise wat
23050 und mîr denn frost gepüst hat.'
do er zü himmel daz ersach,
zü der tauffe was im gach.
do was er alt zwainczik jar;
doch für er inder ritter schar
]212^{rb}] zway jar dannoch
23056 und hüttet sich vonn sünden
doch.
Nün cham es andenn zeitenn
daz die Unger wolten reitenn
auf daz reich mit her.
23060 der chaiser Juliann mit wër
wolt in *reiten* enkegenn;
grozzen solt sach mann in
geben.
des wolt sand Märtein nicht
nemen;
er sprach: 'es mocht mîr nicht
zemen,

23065 seit ich Christi ritter pin,
daz ich nem denn sold din.
ich schol auch nicht streitenn
an chainenn zeitten.'
und do Martinus daz gesprach,
23070 grozzer zaghait mann im jach,
er liez es nür mit zaghait,
und sprachen im die ritter
lait.
do antwurt er in sann:
'lat mich schilt noch helm
hann,
23075 doch mit des chrewczes macht
pin ich so wol pedacht,
daz ich die veinte mag durch
reiten
und den ich ein gestreitenn.'

* * *

Darnach vil unlange
23080 fuer Martinus danne.
die ritterschaft er do lie,
denn weg er wider haim gevie.
doch underwegen er cham
indie stat Pictaviam
]212^{va}] zü dem pischolf Hylario,
23086 der in enphie mit willen do.
pey dem er ein weil pelaib
und die zeit mit lern vertraib.
wes Martinus nicht enchüde,

23041. ander tail *B.* armē *B.*
23043. des] es *B.* iren] vor *B.*
23046. engeln *B.* Engl *C.*
23048. Doch er nicht *B.*
23053.54 in *B* schon nach 23038.
23053. was er alt] het er wol *B.*
23054. Doch f. er] Vnd f. *B.*
23055.56 fehlen *B.*
23058. vngern *B.*
23061. reiten *B.* fehlt *C.*
23064. mag *B.*
23065. christis *B.*
23066. in vor din *gestrichen C.*

23069. Und fehlt *B.*
23071.72 umgestellt *B.*
23071. Er *B.* Vnd *C.* von z. *B.*
23072. im fehlt *B.*
23078. den ich] in wol *B.* Nach diesem
Verse ist eine Lücke. Es fehlt die Angabe,
daß Martin ausreitet, Gott den Kampf ver-
hindert und die Feinde sich dem Kaiser ergeben.
23082. vie *B.*
23086. entphie in *B.*
23088. mit l.] ingot *B.*
23089.90 umgestellt *B.*
23089. chunde *B.*

- 23090 wan *Hylarius* understünde,
des weist er in mit willen gar.
Nün cham eines nachtes dar
zü im in dem trawm ein pot
der gesant was vonn Got:
23095 der hiez zü lande varnn in.
urlaub nam er *und für* hin.
die weil er was underwegenn,
schacher chömen im enkegenn.
der ain wolt in hann erslagen,
23100 der *ander* begünde disenn
habenn,
und wart daz understandenn.
Martinus doch mit pandenn
wart geczogen furbas hin.
die weil vonn Got sait er in
23105 so suezze red, so *gute* wort.
do daz von im wart gehört,
die morder becherten sich
und lebten mer vil christenlich,
und nam sy do in sein gepet
23110 und schied von in *ander* stet.
Und do er sein strazze gevie,
der tiefel im enkegen gie.
er sprach: 'wo wiltu hin, Martin?
er sprach: 'wo Got wil, da wil
ich hin.'
[212^{nb}] der tiefel sprach alczehant:
23116 'Martin, dir sey bechant,
var in dem land her oder hin,
der tiefel ist der veint din.'
und do er daz hette geret,
23120 er verswant *ander* stet.
Damit er haim cham.
sein mütter er do nam
mit der gottes chrefte
von der haidenscheffe
23125 und darczü manigen haidenn.
daz begünde laidenn
den checzer die da warnn,
die starkch warn pey den jarn.
den was er sere wider:
23130 doch slügen sy in sider
mit chnüteln vil jemerleich.
darumb glaubt er sich
nie er wer wider sy,
uncz daz die checzer dis und dī
23135 in triben vonn dem lande.
Wider er sich wande
hin in Acquitaniam
zeder stat zü Maylann.
da macht er im do ein wesen,
23140 da wolt er inne genesenn;
da pelaib er ein weil do.
nün *cham* es aber also,
daz der checzer Auxencius
[213^{ra}] mit seiner poshait so und sus
23145 daz lant gar verirret het.
daz Martinus widerret
mit ganzem fleiz stätichleich.
darumb vil nōtenn niet er sich:
was man im tet, wie man in
slüg,
23150 gedultichleich er es vertrüg

23090. *Hylarius B, Martin C.*

23096. vnd fur *B, fehlt C.*

23100. *ander B, ain C.*

23105. *gute B, suezze C. wärt C.*

23107. *mordn C, mordrar B.*

23114. Er sprach *fehlt B.*

23115. tiefel *fehlt B.*

23117. oder] vnd *B.*

23119. Und *fehlt B.*

23120. swant *B.*

23123.24 *ungestellt B.*

23127. *checz'n aus chercz'n verbessert C.*

23128. Der vil waz p. d. i. *B.*

23134. Bis *B.*

23137. *Aquitaniam auch B: Irrtum des Verf.*

23138. stat zü] gen *B.*

23139. macht *B, mocht C. do fehlt B.*

23142. Nv cham *B, Nün C. so B.*

23144. Pei *B.*

23147—50 *fehlen B.*

- und was streng an seiner ler.
daz die checzer müet so ser
daz sy in vertriben dann.
Er nam zü sich einen priester
sann
- 23155 und gie in die insulam
die genant was Gallinariam.
darine die lieben gottes traut
azzen nür wurczen und chraut.
nün az er maist elleborum;
- 23160 daz chraut pracht in in siech-
tum,
daz in daz aitter ubergie.
und do in der tod gevie,
er pat Got umb seinenn gesunt:
daz geschach ander stünt.
- 23165 Nün wart Hylario gesait,
seinem maister, sein lait.
der cham als palde do.
seines hailes was er fro
und zaigt im do ein stat,
- 23170 da er in tewer pat,
er scholt alda peleiben
und sein zeit da vertreibenn.
- [213^{rb}] des gewert er in sa
und macht im ein chirchen da,
- 23175 *Martinus* der priester rain;
ir dinst nach Got was nicht
chlain.
do begünde Martinus lernn
- und denn glauben mernn.
Nün cham ein *mensch* dazü
in,
23180 daz er pracht andenn sin
daz es getauft werden wolde.
indem willen es do dolde
grozzen siechtum; vonn der not
lag daz mensch schir tot.
- 23185 nün was Martinus dahaim
nicht,
zü dem es het zuversicht.
und do er wider haim cham
und des menschen tod vernam,
er gie da hin da es lag,
- 23190 und seins gepetes er umb es
phlag.
des er wider nicht chart
uncz daz der mensch lebendig
wart;
und schreyen er begünde
und sait im ander stünde,
- 23195 wie es umb die weicz wer
gestalt,
wie aysleich und wie manigvalt.
Von dem tag hin und her
für indem land sein nam
entwer.
unlang aber darnach
23200 eines tages es geschach,
daz ein mann, hiez Lupitin,

23151. so streng *B*.
23157. lieben *fehlt B*.
23158. wurtz *B*.
23159. aller maist *B*.
23160. in in] im *B*.
23166. seine *CB*.
23167. also *B*.
23169. do *fehlt B*.
23170. in] inne *B*.
23172. vertreibenn: e vor i nachträglich
eingefügt *C*; ebenso in *deines* 23299.
23175. *Martinus*] Vnd *BC*.
23176. dinst] geding *B*. waz zegot *B*.
23179. mensch *B*, *fehlt C*. im *B*.
23182. do *fehlt B*.
23184. der *B*, d^e *C*.
23190. Und *fehlt B*. vmb in *B*.
23191. nicht widerch. *B*.
23192. Uncz daz] bis *B*.
23193. er *fehlt B*.
23194. Do *B*. im] er *B*.
23196. aysleich und] jam'leich *B*.
23197. Vnd von *B*.
23198. sein nam in d. l. *B*.
23199. Vnlang *B*, Vnd lang *C*.

desselben chnecht gie auch hin
 [213^{va}] und tet im selben denn tot.
 Märtino erparmt auch die not;
 23205 davonn gie er auch da hin
 und pracht in zü dem leben
 sein.
 indem land dis heilichait
 wart vonn Martino auch gesait.
 Darnach von Turon der
 pischof starb.
 23210 mit pet die gemaine warb,
 er wurd ir pischof da.
 Martinus verspart *sich* sa
 in seiner czell da haim:
 er lie zü sich groz noch chlain,
 23215 wie mann tet, mit chainen
 dingen
 chünd mann in heraus ge-
 winnenn.
 doch in listen ainer sprach:
 'ich chlag dir meinen un-
 gemach:
 mein hausfraw leidet not
 23220 und wil siechtüms sterben tot.
 nün tü es durch die gottes ere,
 meine laid du mir verchere!
 do sprach es der rain mann:
 'ich gieng mit dir sündler wann,
 23225 hin aus ich entar:
 die vonn Turonn nemen mein
 war.

ich wais was sy wellent mein,
 für war, ich pin zü nichte in.'
 do sprach es der pawer sann:
 23230 'du scholt wizzen ane wann
 daz sy sind haim gevarnn.
 ich chan dich wol pewarnn,
 [213^{vb}] nür du tü gnad ann mir!'
 Martinus sprach: 'ich volg dir'
 23235 und gie da mit dem mann.
 und do sy chomen wol her
 dann,
 die im huet hetten geleit,
 von denn wart auf in gejait
 und ander stet nam man in
 23240 und fürt in andaz pischtum
 hin.
 Und do in die lewt ersahen,
 er begünd in versmahenn.
 wann sein gewant was leicht
 gar,
 darczū straubt im sein har.
 23245 er het sein selbs chainen fleiz,
 er was swarcz und nicht weiz.
 er gie als ainer genn schol
 der Got will gevallen wol.
 doch wart er pesungenn
 23250 von alten und vonn jungenn.
 und do er an das pischtum
 cham,
 an reichait es zü nam,
 und schuef es in der mazze so

23202. fur *B*.23203. de vor tet *gestrichen C*.23204. Martinum *B*.23208. auch *fehlt B*.23209. der pischoff von turus *B*.23212. versprach *B*. sich *B*, *fehlt C*.23213. Was in *C*.23214. enlie *B*.23215. im tet *B*.23216. her aus nicht pringen *B*.23220. vor siechtum *B*.23223. dir *gh* s. w. *B*.23226. turus nemēt *B*.23227. enwais *B*.23229. es *fehlt B*. povel *B*.23232. getraw *B*. h vor chan *gestr. C*.23233. N. tu dein *B*.23236. Und *fehlt B*. wol chomē *B*.23240. an daz *B*, indaz *C*.23241. Und *fehlt B*. sahen *B*.23242. leichte *B*, liecht *C*; l. slecht?23244. staub *B*.

- daz die lewt wurden fro.
 23255 und wo die abgot warnn
 indem lande pey den jarnn,
 die zefürt er alle gar.
 Nün cham zü im so manig
 schar,
 denn nür was gesait
 23260 von des herren heilichait,
 daz sy gern sahen in
 und horten auch seinen sin.
 [214^{ra}] des wart sein müe also groz
 daz in des lebens verdroz,
 23265 und von Turonn macht er sann
 nür zwo meil her dann
 ein chloster erleich,
 und macht daz gar reich
 nür vonn der hab
 23270 die man im durch Got gab.
 daz chloster wart also reich
 daz darinne tägleich
 achczik prüder dñnten Got,
 die wol ervolten sein gepot.
 23275 die hetten auch ir notdurft gar.
 si phlagen anders nicht für
 war
 wann daz sy lasen und sungen
 und iren leib nach Got
 twungen.
 Nun was pey der czelle da
 23280 ein pettstat vil na,
 da zaichen vil geschahen.
 die haiden alle jahenn
 die stat wer heilig gar,
 und furen alle dar
 23285 und machten ein chirchen darob
 der stat alda zü lob.
 do Martinus daz ersach,
 zü seinen prüdern er sprach:
 'ez stet nicht recht umb die
 stat,
 23290 der tiefel sey pesezzen hat.
 get mit mir, ir herren, dann
 und ligt Got mit gepet ann,
 [214^{rb}] wie ez darumb sey gestalt,
 durch sein gütte manigvalt
 23295 daz er uns tü daz chünd!'
 si gingen hin ander stünd.
 inder haiden chirchen da
 sant Martin sprach yesa:
 'Jesu, durch deines namen ere
 23300 dein gütte gen uns chere!
 lazz uns wizzen, ob dein gnad
 dicz bege daz alle tag
 hie mit zaichen geschicht!
 und ist es, herre, vonn dir
 nicht,
 23305 daz lazz uns, herre, hornn,
 daz wir die stat zü stornn,
 sey si, Jhesu, wider dich!
 erhör mein prüder und mich!'
 Do er daz volgesprach,
 23310 wo man pey der tur sach
 ain chünder aysleich,
 vor dem die welt gesehent sich.
 daz selbe sprach alczehant:
 'ez ist umb die stat gewant

23261.62 *fehlen B.*

23265. *turus B.*

23266. *Wann B.*

23268. *gar] schon vnd B.*

23269. *Nicht wann B.*

23275. *auch] wol B.*

23287. *erschach C.*

23295. *daz tu B.*

23300. *Den C.*

23302. *daz] hie B.*

23303. *Daz hie B. beschicht B.*

23307.08 *fehlen B.*

23309. *Daz vor Do gestrichen C. vol]*

wort B.

23310. *Wo vgl 2508.*

23312. *segente B.*

23313. *spr. ew sei bechant B.*

- 23315 daz hie ein morder wart er-
 slagen
 und wart auch hie begrabenn,
 des sel inder helle ist;
 und auch vonn der selben frist
 warn die tiefel ymmer mer hie
- 23320 und begent *die* zaichen *ie*
 zü ern dem morder;
 er was in ein güt diener.
 die red die menig alle hort,
 [214^{va}] die chirch wart zehant zestort.
- 23325 Auch vil palde darnach
 ein zaichen von im geschach,
 do er wolde haim gann.
 nün sach er verr von im dann
 einen tötten füren über denn
 plann.
- 23330 die lewt wanten sündler wann,
 man fürt einen abgot da hin.
 er tet seinenn segen da gegen
 in
 und sprach es offenbär,
 ob es ein abgot wer,
- 23335 so sey daz Gottes wille:
 'daz ir alda stille
 ymmer müezzert stann,
 daz die lewt erchennen darann,
 dastü, herr Jesu Christ,
- 23340 aller dīng gewaltig pist.'
 so nach des herren willenn
 stunden die lewte stillenn
 und mochten nindert von stat,
- unczt daz man im chünd tat
- 23345 daz es ein leich wēre.
 do sprach der säldenbere:
 'wart mit haile hin
 und Got geb euch rechten sin!
 die lewt füren danne sa.
- 23350 do daz zaichen geschach *alda*,
 des wart Got lob gesait
 und wart Merteins nam *preit*.
 Auch hetten die haiden einen
 sit,
- [214^{vb}] daz sy hetten widerstreit
- 23355 ir petstet geswornn
und etteswo pawm erhornn,
 da sy denn tiefel petten ann.
 nün west er ein viechten stann,
 die daucht die haiden heilig
 gar.
- 23360 sand Mertein cham mit seiner
 schar
 und wolt den pawm slahen
 nider.
 die prüder sprachen zü im
 wider:
 'laz uns den pawm nider
 slahen,
 daz abgot soltu selb vahlen!'
- 23365 sand Mertein sprach: 'daz sey
 getan!'
 die prüder begünden nider
 slann
 den pawm ander stunde.

23315.21. mordrar B.

23318. in der B.

23319. mer fehlt B.

23320. die z. ie B, z. die C.

23322. guter B.

23324. sa B.

23328. vor im B.

23332. da fehlt B.

23333. es fehlt B.

23335. des B.

23338. erchennent B.

23341. So C = Sa B. will (:still) B.

23344. Bis B, ebenso 23402. in B.

23348. Und fehlt B.

23349. dannen B.

23350. geschach alda B, gescha C.

23352. Martinus B. nam gepet C, lob

preit B.

23356. Und fehlt C. etwa päum B.

23365.69. Martin B.

- und do er vallen begünde,
do viel er gen sand Mertein hin.
23370 die prüder schriern all umb in.
und do der pawm in slahen
wolde,
des nicht geschehen solde.
er tet daz chreucz gen im dar:
der pawm snelle wider gar
23375 für von im als ein has,
daz er im ann schaden was.
Do daz zaichen alda ge-
schach,
vil unlange darnach
zünt er ein petstat ann.
23380 von danne flog daz fewer dann
und wart davon ein haus
enczunt.
er lieff hin ander stünt
und stünt gen dem fewer wann.
[215^{ra}] daz fewer flaüg wider dann,
23385 als es trib ein grozzer wintt.
daz sahen man, weib und chint.
Auch was pey den zeitten do
indem werd Lerroso
der haiden ein petstat.
23390 sand Martein auch da hin gat
und wolde daz zerfürn gar.
nün cham der haiden schar
und wolten des nicht gestaten.
die prüder mit sampt im paten
23395 und warn in pet und in chlag
- darumb genn Got drey tag.
andem virden tag darna
chomen zwenn engel sa
und gingen mit Martino dann
23400 und slügen die welt alle ann
und werten paide so und sus,
uncz daz Martinus
die petstat gar vertet;
daran er in laid getann het.
23405 Und do daz abgot wart
zestort,
ein pawer lief hin andem wort
und wolt in erslagen hann.
und do er denn müt gewann
und ervarn wart sein wille,
23410 er müst stenn alda stille:
er mocht geruren nicht ein
hant,
an im warn swëre pant.
der schray nach gnaden sann,
[215^{rb}] die wart auch im alda getann.
23415 Do die gnad an im gëschach,
vil schir aber darnach
was ein magt pey iren jungen
jarn
an all ir leib vergicht gar:
der er daz heilig öl in goz,
23420 davon der siechtum von ir
schoz.
Auch was da ein pider mann,
Tecradius was sein nam,

23371.72 fehlen B.

23376. Daz B, Da C.

23378. vnlang B, vnd lange C.

23380. Dannen B.

23382. Er B, Ainer C.

23384. wider] her B.

23387. in der z. aldo B.

23389. ein fehlt B.

23391. zerfuren B, ervarn C.

23393. im des B.

23396. genn Got] wol B.

23399. dann] san B.

23400. all dan B.

23401. paide fehlt B.

23414. wurden B. alda fehlt B.

23415. an im] alda B.

23417. iarn B, tagū C.

23418. An all irem leib B, Vnd ir tag C.
vergift B.

23419. öl] or B. gaz (:schaz) C.

23421. alda B.

23422. Thedradius immer B.

- der was gar peschaydenn
 und was doch ein haidenn.
 23425 der pat Martinum sere,
 daz er durch Gottes ere
 in sein haus chême
 und seinen chnecht nême
 von dem siechtum den er leit;
 23430 wann der tiefel widerstreit
 müet in zü aller stünde.
 was er pitten chünde,
 er wolt in nie gewernn,
 er wolt sich ee pechernn.
 23435 do Tecradius daz erhört,
 er gelobt im andem wort,
 er wolt sein ein christen man.
 alrerst gie er mit in dan
 und so indem hause sein
 23440 weist er den man für in,
 darumb er gepeten het:
 den ledigt er ander stet.
 Auch vil unlang darnach
 [215^{va}] eins tages es geschach
 23445 daz er in ein haus get
 da man in *hin* gepeten het.
 da sach man pey der tür stann
 einen tiefel fraissam.
 dem er palde gepot
 23450 pey Jesu Christo dem got,
 daz er palde schiede hin.
 do der tiefel hort in,
 er gie indaz haws sann
 und erwischt einenn mann,
 23455 den er bestünt sere.
 der mann für hin und here,
 und was von im pegriffen wart,
 daz selb er gar zecart.
 ein geschray wart obdem man;
 23460 man fürt in fur sand Mertein
 san,
 der im indenn mund stiez
 seinenn vinger und hiez
 in peizzen, ob er mochte,
 ob sein ubel so vil tochte.
 23465 da er daz vol sprach,
 daz es daz volkch alles sach,
 der hals dem manne gar ver-
 swal;
 der tewfel für in im zetal
 und für von im in plüttes weis:
 23470 do lobte Got der jung, der greis.
 Nün was auch da ein pider
 man,
 Paulinus was sein nam,
 dem ein aug erplint was
 [215^{vb}] und was gleich einem gras.
 23475 darauf leit er die hant sein:
 daz aug gewan do liechten
 schein.
 Die armenn lewt verczöch er
 nie.
 eines tages zü im gie
 ainer und pat in umb gewant:

23429. lit *B*, leit *C* wohl *Präs.*
 23430. Vnd wider den t. strit *B.*
 23434. must *B.*
 23438. Alt erst *C*, Erst *B.*
 23439. Vndo *C.*
 23446. inne *C*, in und hin über der Zeile *B.*
 23447. man] er *B.*
 23453. fur *B.* sein vor sann *gestr. C.*
 23454. erwisch *C.*
 23455. müte *B.*
 23458. selb er gar] wart alles *B.*

23459. En *C.* obdem] uber den *B.*
 23460. san] dan *B.*
 23462. in hies *B.*
 23463. In fehlt *B.*
 23464. vb *C.*
 23467. Dem m. d. h. gar zerswal *B.*
 23470. Des lobten g. i. vnd gr. *B.*
 23471—76 fehlen *B.*
 23479. genät *C.*
 23479—82 fehlen *B.*

- 23480 er czoch ab im zehant
und gab im denn rokch sein;
der gie mit frewden hin.
nün cham aber ainer dar,
des gepresten nam er war
23485 und schuef mit seinem
cappellan,
daz er im chaufft einen rok an.
der cappellan tet *es* undar.
sand Mertein sprach für war:
'ich chüm hinne hin aus nicht
23490 alle die weil und nicht ge-
schicht
daz ich mit dīr geschafft hann
umb denn gottes armen mann.'
nün sait im der cappellann,
er solt zū dem alter gann,
23495 und pracht im einen rok dar,
den het er für war
gechaufft umb funf phening;
er was ander güt vil ring:
er was abher und chrankch
23500 und vil snöd und unlanch.
denn sant Mertein an sich lait
und gab dem armenn seine
chloid;
damit er zū dem alter gie
[216^{ra}] und sein ampt er ann vie.
23505 nün warnn so churez die ermel
sin
daz sy chawm bedakchten in
sein arme halbe da.
nün cham ein liecht von himel
sa,
daz in umb vie gar,
23510 so daz niemand für war
sein plöz armenn mocht ge-
sehen.
und do im das was geschehen,
do sach mann indem liecht
eben
ein prinnund chugel ob im
sweben.
23515 dis chugel und daz liecht nicht
chom von dan
uncz do daz ampt was began.
Nün wart im vil gesait
von seiner grozzen heilichait.
darnach cham es alsus,
23520 daz der pider Evencius
ineinem grozzen siechtum cham.
ein chind er zū sich nam
daz ein nater gepizzen het,
und für hin ander stet
23525 und wolt sein güt suchenn,
daz er in wolde peruechenn.
Martinus vernam die mēr
daz diser chünftik wēr,
und pot im daz er wider chert,
23530 sein siechtum nicht lange wert.
do *Evencius* daz erhört,
er chert wider andem wort

23483. Ein vil arm man gar *B*.
23487. es *B*, fehlt *C*. undar] vngern *B*.
23489. enchum *B*. hinne fehlt *B*.
23491. geschaffen *B*.
23492. Vmb *B*, Vnd *C*. arm *B*.
23493.94 fehlen *B*.
23495 Nu p. er ainē *B*.
23499. vil chräg *B*.
23504. er fehlt *B*.
23506. im *B*.
23509. vil *C*.

23511. arm *B*.
23512. Vnd fehlt *B*.
23515. und daz liecht fehlt *B*. von dan *B*,
davō *C*.
23516. Bis daz *B*.
23517. von im *B*.
23519. Dauon *C(B)*.
23521. In einē *B*, l. einen.
23529. Er enpot *B*. daz *B*, da *C*.
23530. in nich *B*.
23531. evencius *B*, Antonius *C*.

- 'Gots diener Martin,
la dir mein not gechlagt sein,
durch Got hilf mir!'
- 23590 vil leute wainten auch mit ir.
do Martein den jamer sach,
sein gepet er zu Got sprach.
daz er mit andacht nicht enlie
uncz daz das chint sein leben
vie.
- 23595 do es sich indaz leben chart,
Got vil gelobt wart
pei den zaichen besunder.
Martinus darunder
stifte durch des lands heil
- 23600 chirchen ain michel teil.
Auch da nach inden jaren
wolt er uber ein wasser varen.
da sach er lewt visch vahan,
daz sy nie so grosse sahen.
- 23605 do sand Martein daz ersach,
zü denn vischern er sprach:
'nicht recht es umb euch stat,
des tiefels werch es begat;
nicht rechte dinkch sind dew.
- 23610 davon ich gepewt ew,
daz ir raumt die stat hie.'
die wurden do mer gesehen nie.
Auch sant Mertein der gotte
czam
- [216^{re}] ze Paris indie stat cham.
- 23615 do cham ein anzsecziger zü im.
der vil tewer pat im
- daz er im gebe ettewas.
sand Mertein west nicht selb
was,
wann er het nicht pey im.
- 23620 er sprach: 'daz ich hab, von
mir daz nim
und ge her und chüsse mich!'
der siech widersaczte sich,
doch chüst er in andenn mund:
der anzseczig wart sa gesünt.
- 23625 daz zaichen manig man da
sach
daz andem siechen geschach,
und wart Got lob und er
gesait
von sand Merteins heilichait.
Nun was chomen sand
Merteins zeit,
- 23630 daz im Got seiner streit
mit lieb lonenn wolde.
er sait, daz er sterben scholde,
sein prüdern uberall.
da wart von wainen grozzer
schal
- 23635 und viel tewer patenn die,
daz er icht verliezze sie.
do sprach er hincz Got:
'ich pin in deinem gepot.
pin ich deinen lewten doch
- 23640 nucz, so versag ich noch
nicht dir, herr, mein arbeit.
mein dinst ist dir perait,

23589. Got fehlt B.

23590. laute B.

23594. Bis B.

23606. er do B.

23608. es = ir B.

23609.10 fehlen B. euch C.

23611. Die stat sult ir raumen h. B.

23612. Da wurden sy B. mer B, fehlt C.

23613. gots B.

23616. in B.

23618. selb fehlt B.

23621. Nu geng B.

23622. siehe des B.

23624. sa fehlt B.

23626. da geschach B.

23627.28 fehlen B.

23629. chomen B, fehlt C.

23630. streit] zeit B.

23633. Seinē B.

- 'ich han gehort ander frist
daz Martinus tod ist.'
die selbe rede hort do ann
23700 mit im auch sein cappellann.
Und darnach des morgens
frü,
[217^{va}] daz man zü dem ampt nü
zü recht greiffenn wolde,
als man in begraben scholde,
23705 inder frist Ambrosius
ze Maylann stünd alsus
daz er sein messe begie;
wo in ein slaff gevie,
und dem alter was er entrükt.
23710 da wart er hin geczukcht
do man Martinum begrüb;
er selb in in daz grab hüb.
von dan wart er gefürt her
wider auf seinenn alter
23715 und volendet sein ampt da.
nach der messe yesa
sait er denn prüdern sein,
daz er wer geczukcht hin
da sant Mertein wer begraben.
23720 do wart umb in grozz chlagenn.
- Man list an seiner legende,
do der genende
von diser welt für
mit vil rainer suezzer chur,
23725 daz der tiefel wurd geschant,
der sein sel haben want.
sy für gen himel ane wër,
wann der maide her
cham mit unser frawen dar.
23730 sus inder maide schar
fuer er zehimel ander zeit;
[217^{vb}] da erte Got sand Mertin mit.
er was gar ein heilig mann,
wann wir von im geschriben
hann,
23735 daz er under denn martrërn
und under denn peichtigern
prehent schon als ein ros,
wann er Got zü lieb chos.
nün helf uns der heilig mann,
23740 daz uns daz reich werd auf
getan,
daz im auf getann wart
an seiner haimvart! Amenn.

23697.98 umgestellt C, in der Handschrift
mit b und a bezeichnet.

23697. an diser B.
23699.700 fehlen B.
23701. Und fehlt B.
23702. n^v B, nün C.
23704. Daz B.
23705. frist] weil B.
23708. Wann B.
23709. entnükt C.

23713. dannen B.
23714. W. haim auff B.
23725. der t. wurd B, die t. wurdn C.
23726. Der B, Die C. sele B, fehlt C.
23731. and' d' z. C.
23734. von im fehlt B.
23737. Brehe B.
23738. W. got frü ze lieb erchos B.
23739. reine B.
23742. lesten hinvar B.